



## **Universitätsbibliothek Paderborn**

**Svmmae Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

De incestu, cuius peccati magnitudo quatuor modis ostenditur. Capvt. IIII.

[urn:nbn:de:hbz:466:1-46161](#)

multò odit adinuentiones in peccatis. Vnde super illud Esa. Visitarbo super fructū adinuentionū vestrarū dicit Greg. Deus plus punit studia peccatorū, quām peccata. Et in Psal. Ibunt in adinuentionibus suis. Item, Corrupti sunt. & abominabiles facti sunt in studiis suis. ¶ Octauo potest ostendi magnitudo huius vitij per multiplicē effectū ipsius. Hoc vitiū fœdus inter nos & Deū rumpit. Genus humanū quantū in se est, destruit, hominem iumento inferiorē reddit. Propter hoc vitiū fili⁹ Dei desit incarnari, ut dicit authoritas. Ad primum pertinet quod dicit Aug. Hoc vitio violatur societas quæ nobis cū Deo esse dicitur dū natura, cuius ipse author est, peruersitate libidinis polluitur. Si-  
cūt aliquis quū alius deteriorauit sibi rē suā, dicit, Vestra sit. Sic Deus illū quēc ipse fecit hominem masculū, quum videt quōd ipse fecerit se fœminam, nō reputat creaturam suam. Secundū vero planū est. Tertium verò potest ostendi per hoc, q̄ ille qui peccat peccato isto, nō obseruat legē, quā etiam bruta animalia obseruant. Aliæ species luxuriæ iumento assimilant hominē, sed hæc inferiorē reddit. Ideoq; Sodoma bene muta interpretatur: quia hoc peccatum reddit homines muros in die Iudicij. Nō poterunt enim excusare se per ignorantiā, quum ipsa natura le-  
gem docuerit ipsa bruta animalia, quam isti transgrediuntur.

*De incestu, cuius peccati magnitudo quatuor modis ostenditur.*

CAPVT. IIII.

**S**equitur de incestu, cuius peccati magnitudo potest ostendi. Primò per pœnā taxatam huic peccato in lege. Postquam enim dominus prohibuit incestū & peccatum contra naturā, Leui. 18. subiungitur: Omnis anima quæ fecerit de abominatio-  
nibus his quippiā, peribit de medio populi sui. Et eiusdem 30.  
taxatur pœna eadem huic peccato. ¶ Secundū potest ostendi per  
hoc, q̄ Apostolus tradidit Satanæ cruciandum illum fornicato-  
rem, qui cū nouerca sua peccauerat: secundū quod legitur 1  
ad Cor. 5. ¶ Tertiò potest idē ostendī per mala quæ ex hoc pec-  
cato sequuntur: vnde legitur 2. Reg. 12. ¶ Amō qui sororē suam  
corruperat, interfectus est à fratre suo Absalō. Niſi homines ab  
hoc peccato cauerent sibi, sequerentur inde non solum odia &  
homicidia, sed etiā fratricidia. ¶ Quartò potest ostendi per hoc  
quōd peccatum istud hominem quasi canem reddit. Canis  
enim in opere illo non obseruat consanguinitatem.

*De adulterio & speciebus eius, cuius magnitudo in septem ostenditur.*

CAPVT. V.

**S**equitur de adulterio: quod dividitur in duas species: scilicet

D d